



Universitätsbibliothek Paderborn

Metropolis Salisvrgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Pfaffenmvnster.

urn:nbn:de:hbz:466:1-13591

Gottesdienst daselbst verwesen / oder aufrichter sint / alle wochen an dem Montag auf dem Altar ein Meß ewiglich haben vnd beginn sollen / oder doch einen andern Tag inn der Wochen / ob ja an dem nicht wo l' gesein mag / an alle seumnuzz / vnd an alleit abganch/ vns/ vnd auch vnsr seligen Vorvorden zu einer gehet grus / vnd zu einem Seelgeret / als wir dieselben seligen Meß auf den ehigenen Altar mit der obge nanten huet bewiden vnd ewichlich bestattet / als wir daz den die dez volpringen vnd tuen sollen / empfahlen hinz einen gewizzen / als sie Gott fur vns darwirken anewarten sollen / vnd da verzeihen wir vns der vorgeschriften huet ze Heckenhouen / das wie noch onser Erben noch niemandt vonn unsrem wegen dheim ansprach noch vorderumb darnach nimmermer gehaben sollen noch enmriegen / weder vil noch wenig / als wir daz hinz Gott geheizzen bei vnsren trewen an gewurd / wir versprechen auch den obgenannten Gottzhauz vnd seinen psleghern / das wir in die hub verantworten vnd vertreten sollen / an aller stat / wa jn daz not geschicht / alz dez Landez recht ist / an allen ihren schaden / vnd darum zu einem vchundi / vnd zeeiner bestaticheit / gib ich oft genanter Haymeran der Haslinger dem offtgeschriben Gozhauz den Bries vrsigelt mit meinem Insigel / vnd mit dezerbergen Mannez Insigel Otten des Lbser Psleger ze Preuenberch / als der daz zeeiner gedachtnuzz durch meiner pet willen daran gehengt hat / jm an schaden / vnd daz unter verpint ich mich / obgenante Beatrix vnd alle vnsrer Erben / mit vnsrer trewen allz dazze volsuren / vnd statzhaben / waß vor an dē Bries geschriben stat daz sint auch zeuges / Herr Ulrich der Pfarrer von Slingbach / Herr Hans der Hager Chaplan auf Sane Peterzberg / Nicola der Chrumer / Heinrich der Chnappe / Heinrich der Oeder / vnd andere Erberge Leut genug / das ist geschehen / da man zelt von Christi geyure dreuzehn hundert Jar / darnach in dem drey vnd sechzigsten Jar / dez nāgsten Sampttags vor der lieben vnsr Frawen tag als si ze Himmel fucr.

Antiquus mos obtinuerat olim ut Parochianū quidam cum suis plebanis statis temporibus quotannis ad montem S. Petri processionem sollemnem instituerent. Et prima quidem in ordine processio talis, seu peregrinatio solemnis fiebat à plebano in Praittenbach cum suis parochianis ipsa Dominica festum S. Bartholomai proxime sequente. Secunda processio competitabat plebano & parochianis in Agaech & Langchampen Dominica post dictum festum secunda, Dominica tertia veniebant cum suo parocho, parochiani in Oerl & Luzeldorf de Dierskirchen. Quarta processio fuit parochianorum in Paeng & Holzhausen Dominica quarta post S. Bartholomei festum: & hi omnes parochiani sua dona S. Petro offerebant quisque pro sua deuotione & statu. Interciderat quidem mos iste, à multis retrò annis: posteaquam verò modernus Præpositus D. Wolfgangus Castner &c. Ecclesiam S. Petri montis Madroni insignibus picturis, ad imitationem earum quæ in Ecclesia B. Petri Romæ extant, factis aliisq; exornauit modis; reuixit quoque parochianorum deuotio, eaque subinde augetur; ac mos ille vetustus, de quo supra frequentatur.

P E T T E N D O R F,

NON longè à Ratisbona inter hostia Regni & Nabi Nariscorum, Ludouicus quartus Imperator, dictus Bauarus, sanctorum Virginū Monasterium dedicauit ac construxit. Auent. lib. 7. Annalium fol. 790. De quo plura non habeo.

P F A F F E N M V N S T E R,

GOLLEGIATA Ecclesia Canonicorū supra Straubingam fundatur cum Galii septem Monasteriis, per Utilem Ducem Bauariæ, instinctu S. Primi-
Metrop. Salesb. Tom. II. 4

nij Meten. Episcopi, qui eam dedicauit in honorem sancti Tiburtij. Otto Argen-
tinus. Episcopus Monachos sancti Benedicti dedit, circa annum Domini 742.
Heinricus Dux Bauariæ Canonicos in Meten, trastulit ad hanc Ecclesiam Mona-
sterensem è contra, collocauit in Meten, circa annum 1156. Hæc Ecclesia
aliquoties igne consumpta, desolata & paulatim rursus erecta legitur. Testan-
tur hoc vespigia murorum. Wilhelmus piissimus ac Catholicissimus Princeps
pio zelo, cum consensu summi Pontificis, nec non ordinarij Ratisbonen. Episco-
pi transtulit Collegium hoc Straubingam, ac cum parochiali Ecclesia ibi vniuit;
iisdem ferè statutis, regulis, ac priuilegiis, sicuti Collegiata Monachii est Ecclesia,
hoc currente 1581 anno, quod Deus bene vertat.

ADDITIONES.

AD habendam aliqualem notitiam fundationis Ecclesie Colleg. S. Tiburtij in
Pfaffenmunster alias Monasteriens: Pat: dioc: quæ inter alias Ecclesiæ colle-
giatas eiusdem dioc: post maiorem Ecclesiam Ratisp. prima, tempore Constantini
Imperatoris quinti circa annos Christi sexcentos quadraginta duos originem
cepit. Sed qualiter & super quibus bonis proutune fundata fuerit non inueni-
tur. Idem Constantinus Imperator fuit homo pessimus & hereticus; filius Leonis
tertij, rex annis triginta quinque, tandem diuino iudicio percussus interit.
Huius temporibus Zacharias Papa, facta distributione Episcopatum, Salzpur-
gen: Eysteten: Ratisbonen: & Frising: Legitur etiam in Chronicis, quod tempore e-
iusdem Imperatoris Constantini Vtilo primus Rex, postea Bauarie in prouincia
redacta, Dux, & consilio Priminij Metens. Episcopi Monasterium inferioris Alt-
tach ex suo allodio sub monastica professione fundauit, huius filius Tassilo ex Hil-
drude, quæ fuit soror Pipini Regis qui fuit pater Caroli magni, deuotissimus extitit
*de hoc ali-
ter confitat.
in seruitio & diuino cultu; fundator enim fuit multorum Monasteriorum, scilicet Polling, VVezesprun, sancti Nicolai * Patanie, VVeltenburg, Chrembsmünster,
Lorch & Pfaffenmünster, Idem Monasterio inferioris Altach plura dedit, &c. Idem
Tassilo Pataniam ciuitatem Bauarie instaurans & renouans, Episcopatus sedet
quæ apud Laureacum erat, priusquam transferebatur, inibi constituit. Hic
Tassilo sepultus est cum progenitoribus & vxori in Osterhouen. Tandem
anno Domini Millesimo Centesimo vicesimo septimo defuneto Heinrico Im-
peratore quarto per electores & Principes Imperij in vrbe Moguntinensi Dux
Saxonie Lotharius tertius vir sapiens & industrius in Ecclesiastico seruitio de-
uotus & præpotens diuitijs & victoriis omnium assensu in Imperatorem eli-
gitur. Ecce Friderico Archipræsule Colonien, benedicitur & inungitur, impe-
ravitque annis undecim, huius tempore Heinricus Dux Noricorum proscriptus
bitur. Postea Imperator Fridericus primus Dux Sueviae vir largus, strenuus,
facundus atque omnibus gloriösus Rome coronatus in Ecclesia sancti Pe-
tri, qui imperauit annis triginta octo tempore imperij sui videlicet anno
Domini Millesimo Centesimo quinquagesimo quarto, restituit Heinricum
Ducem, Saxonie filium, Heinrici Ducis Noricorum præscrip. in. Ducatum
Bauarie & Austria qui fuit primus Dux Austriae. Idem, Canonicos in
Metens transtulit ad Ecclesiam Monasterensem sancti Tiburtij, & Monachos
in Meten locauit. Tunc igitur prædictus Heinricus Dux Saxonie Ducatum Bau-
arie possedit ferè viginti quatuor annis. Fridericus Imperator prædictus ipsum
proscriptis, & ab honoribus depositis, substituendo in Ducatum Norico-
rum Ottomem Comitem Palatinum, de Schira de cuius progenie moderni Du-
ces Bauarie & Palatini Rheni processisse assertuntur, Sæpius prædicta Ecclesia
Mona-

Monasteriens. desolata & per voraginem ignis consumpta ac paulatim erecta legitur, prout luculenter circa muros vestigia edocent. Super quibus igitur bonis fundata modernis temporibus cernitur, pro maiori parte nomine tenus cum anno soluendorum censum per partes officiorum celariis & oblaij qui cupidus horum studiofa mente percurritur, reperiet distincte & ad manum sub uno induito.

Puechberg

Hainricus Dei gratia Comes Palatinus Rheni dux Bauarie. Vniuersis praesertim inspecturis declaramus, quod cum fidelis noster Ulricus Dapifer de Eckenmul montem qui de Puechberg, quem a nobis tenebat in feodo cum suis pertinentiis nostris manibus libere resignasset nos pio ducti desiderio montem ipsum cum omnibus attinentiis donauimus & tradidimus iure proprietario in perpetuum Ecclesiae Monasteriens. quam ratione iuris patronatus speciali tene- mur amplecti gratia & fauore. In huius ergo donationis memoriam & stabilem firmitatem, presentem literam eidem Ecclesiae dedimus nostri sigilli munimine roborata cum testibus subnotatis, quorum nomina sunt haec: Frid. de Perge. Ulric. dapifer de Eckenmul. Sifrid de Sigmborn. W. de Frauenberch. H. de Puechberg. O. & Al fratres de Strubing. Hainricus Notarius & alij. Actum in Haidavv anno domini M. C. C. L X. pridie Idus Iunij.

Reibersdorff.

Nos Eberhardus Dei gratia Praepositus Monasterien. Ratisbon. dioc. Notum facimus vniuersis praesenscriptum inuentibus, quod cum Capitulum eiusdem Monas: Ecclesie Conrado dicto Prular, exhibitori presentium quandam piscariam Ribrechtstorff ad praebendam eiusdem Capituli pertinentem in feodo consulisset, petuit a nobis ut ex officio Praepositurae nostrae ratam concessionem huiusmodi haberemus. Nosigitur petitioni suę condescendentes quidquid per praedictum Capitulum eidem Conrado in prænotata piscaria est concessum liberaliter in idem consentimus & iuxta formam comprehensam in privilegio sigillis domini Leonis venerabil. Episcopi Ratisbon. nec non eiusdem Capituli communicato ratum habere volumus in futurum. In cuius reitellimonium presentem schedulam sigilli nostri robore fecimus communiri. Acta sunt hec anno M. C. C. L X VIII. In die beatorum Processi & Martiniani.

Holzwaehs.

Nos Heinricus Dei gratia, Ecclesie Ratisbonen. Episcopus & Heinricus Dei gratia Palatinus Comes Rheni, dux Bauarie notum facimus omnibus praesentia inspecturis, quod constituto in praesentia nostra Brunone de Brennenberch accepta quadam pecunia quantitate, probato primum persacramentum suum quod quicquid habebat in villa, prope mansionem Canonicorum dicta Monasterium apud Strubing proprietatis seu allodialis titulo obtineret, ipsum totum cum omnibus sibi inibi attinentibus redditibus iuribus & aliis quibuscumque cum quæstis & inquirendis pratis, pascuis, siluis & agris Canonicis Monasteriensibus, tradidit & donauit perpetuo possidenda; renuncians omniuri & actioni quod sibi competere poterat aut suis posteris in futurum. Ut igitur talis traditio seu donatio sine calumnia utpote rationaliter facta procedat,

in

in euidens testimonium præmissorum præsens instrumentum rogatu partium confici fecimus, & sigillorum nostrorum munimine roborari. Datum Strubinge Anno domini Millesimo Ducentesimo LXXXII. XIII. Kal. Maij. Testes Vlr. Præpositus Ratisponensi dictus de Dornberch. C. Decanus Ecclesiæ eiusdem dictus de Lipurcb. Mgr. S. Scolaisticus ibidem, & Albertus Archidiaconus. Clerici. W. de Leonberch, & Al. de Hals. Comites de Schluzzelberch. & Vi. de Abensperch. liberi. Con. de Hohenuels, Conradus de Erenuels. H. de Alnbouen Al. de Vrovenhoven. Al. de Rotauue. Hab. de Sunching. Vi. de Punchouen. H. de Mosdorff. Al. de Strubing. R. de Eiach. Carolus de Strubing. Th. Rotter de Peutzhouen. H. de Ramsperch. Conradus de Sattlpogen, & alij quam plures.

IN NOMINE DOMINI AMEN. Anno ab eiusdem nativitate Millesimo Quintagesimo Octuagesimo primo, die vero Sabbathi ante Dominicam Oculi, quæ erat vigesima quinta mensis Februarij, Indictione Nona, Pontificatus Sanctissimi in Christo Patris & Dei nostri, Dn. Gregorij diuina prouidentia Papæ XIII. anno nono. Ad honorem omnipotentis Dei, & glorioissimæ Virginis MARIAE, ac SS. Iacobi maioris Apostoli, & Tiburtij Martyris, totiusq; Curia calcis, R^mos. in Christo Pater & Dominus, Dominus Felicianus Episcopus Scalen, Nuncius Apostolicus per Germaniam superiorem, & pro illmo ac R^mo Principe Domino, Dn. Philippo Comite Palatino Rheni, vtriusq; Bauariae Duce in Episcopum Ratisponensem confirmato, eiusdem Episcopatus Administratora. S. Sede Apostolica specialiter deputatus, translationem Ecclesiæ collegiatæ S. Tiburtij Martyris in Pfaffenmünster propè Straubingen Ratisponensi, diaecesis aggressus est, despeciali mandato Smi. Domini Papæ, qui circa Ecclesiarum statum iuxta pastoralis officij sui debitum considerationis extendens intuitum, in iis libenter assistit, per quaæ animarum occurritur periculis, ac personarum commoditatibus prouidetur, quemadmodum Ecclesiarum ipsarum necessitas exigit, causæ suadentrationabiles, & Catholici populi incrementum exposcit, quatenus Ecclesiarum earundem status augeatur, seu melius reformatur, pro ut rerum, temporum, & locorum circumstantiis pensatis id nouerit in Dominio salubriter expedire; ad expositionem ac petitionem Serm. Principis ac Domini, Dn. Guilhelmi Comitis Palatini Rheni, & vtriusq; Bauariae Ducis, prædicto R^mo Domino Nuncio per literas Apostolicas commisit & mandauit, ut prædictum Collegium Ecclesiæ S. Tiburtij Martyris ex proprio loco Pfaffenmünster, propter causas in cōmissione apostolica sufficienter explicatas, amoueret, & ad parochiam Ecclesiam Sancti Iacobi maioris Apostoli in ciuitate Straubingen, eiusdem diaecesis existentem, transferret. Proinde idem R^mus. D. Nuncius, Sacris Pontificalibus induitus mane hora septima, congregato & conuocato Capitulo dicti Collegij, in prædictæ Ecclesiæ S. Tiburtij Martyris Choro, in quo sanè Capitulo (absentibus iam antea in tempore per eorum Decanum, iussu dicti R^mi. D. Nunciij, præmonitis ad comparendum) interfuerunt Venerabiles Domini, Christopherus Lenger Decanus, Johannes Baptista Pikelmair Senior, Wolfgangus Rath Scholasticus, Jacobus Stetter Custos, Leopoldus Ziegldrum Artium Magister parochus, & Ioannes Vueltmair Officialis, Canonici dicti Capituli, dicentes quod sunt, & representant, & in eos ad præsens residet totum Capitulum prædicti Collegij, seu minor pars ipsius Capituli, & quod non est alius Canonicus dictæ Ecclesiæ, qui ad infra scripta possit, vel debeat commodè euocari, in præsentia, audientia, & intelligentia ipsorum Dominorum Decani, Senioris, & Canonicorum prædictorum, inuocato prius Dei auxilio, & decantato pereiusdem R^mi. Dn. Nuntij Capellatum Sacro Missæ officio, de Sma. Trinitate, cum solenni depulsione omnium

omnium campanarum, tam prædictæ Collegiatæ quam etiam propinquæ Parochialis Ecclesiæ, & subsequentem hymno Veni creator Spiritus, &c. cum suis versu & collecta, assistentibus R^{dis}. Nobilibus & Clarissimis Commissariis Ducalibus, *Sebastiano Frantz* Decano, *Martino Dammio* Canonico Collegiatæ Ecclesiæ Monachien, ad Diuam virginem, Sac. Theol. Doctoribus, *Wolfgango Lucio Cancellario*, *Alexandro Eirle* Confiliario in Regimine Straubingenſi, nec non *Ottaviano Schrenckh*, Cancellario Episcopatus Ratisponensis V. I. Doctoribus, & aliis ex populo præsentibus, dixit & exposuit, quod prælibato Smo. Domino nostro placuerit, ad requisitionem & instantiam prædicti Ser. mi. Basariae Duci Domini *Guilhelmi*, ut commemoratum Collegium S. Tiburtij Martyris ex dicto loco Pfaffenmünster, tanquam remoto, solitario, & quasi ignoto, ad quem pauci propter huiusmodi incommoditatem, diuinorum officiorum gratia confluere soleant, in Ecclesiam parochiale Straubingenſis civitatis Sto. Iacobo maiori Apostolo consecratam, loco admodum celebriterit, & ædificiis amplam, atque egregie instructam & ornatam, pro augendo cultu diuino, excitanda fidelis populi deuotione, tollendisque periculis & occasionib. peccandi, quæ Clerici extra conuentum & frequentiam hominum habitantes, Sathanæ arida & solitaria loca percurrentis malo instinctu, captare aliquando solent, & prædictæ ciuitatis ornamento ac splendore, transferatur, causas in literis apostolicis contentas singulatim recensens, eosque efficaci oratione adhortans, ut huiusmodi mandatis apostolicis libenter morem gerere, & diuinæ dispositioni se se conformare velint; & in fidem præmissorum idem R^{mas}. Dn. Nuntius literas apostolicas commissionis suæ, non corruptas, nec vitiantas, sed sanas & integras, prout ego Notarius vidi, omnibus alta voce prælegi iussit, quarum tenor de verbo ad verbum sequitur, & est talis; foris quidem. Venerabilis fratri *Feliciano* Episcopo Scalenſi, nostro & Sedis Apostolicae in partibus Germaniae Superioris Nuncio. intus vero: *Gregorius* Papa XIII. Venerabilis frater, salutem & Apostolicam benedictionem. Ex iniuncto nobis desuper apostolicæ seruitutis officio, ad ea libenter attendimus, per quæ seculares & Collegiatæ Ecclesiæ congruis in locis constituuntur. Cum itaque, sicut dilectus filius, Nobilis Vir *Guilhelmus* Dux Bauariae, exponi nobis nuper fecit, in Ecclesia S. Tiburtij in Pfaffenmünster Ratisponensi. diaecesis & dominij temporalis præfati *Guilhelmi*, ac pro tempore existentis Duciis Bauarie, cui cura ab immemorabili tempore citra per Capellanum ad id à Capitulo dictæ Ecclesiæ deputatum exerceri solita imminet animarum, Præpositum, quæ inibi dignitas principalis existit, ac cuius Quadraginta, nec non octo Canonicatus, & totidem præbenda, ac Decanatus, Cantoria, & Scholastria per Canonicos eiusdem Ecclesiæ absque dispensatione apostolica obtinere soliti, acquorum cuiuslibet ex dictis Canonicalibus & præbendis, fructus, redditus, & prouentus centum ducatorum auri de Camera, secundum communem estimationem valorem annum non excedunt, adsint, ipsaque Ecclesia in loco ignobili & obscuro constituta, & nonnullæ duntaxat rusticorum habitationes reperiantur, ac dictæ Ecclesiæ Canonicæ non solum cum modico fructu, sed etiam quandoque absque ullo respectu & observatione honestatis, & disciplina Ecclesiastice, ac potius cum scandalo, & malo conuicinis exemplo vivant. Quod si Præpositura, Canonicatus, & Præbenda, ac Decanatus, Cantoria, & Scholastria, aliæque forsan dignitates, seu officia, ac Capitulum vniuersum dictæ Ecclesiæ, in parochiale Ecclesiam S. Iacobi maioris, magnifice admodum & amplissimæ structuræ in oppido Strubingæ diaec. & dominij præfatorum, quod insignè existit, à dicta Ecclesia S. Tiburtij uno milliari

milliari germanico distantem, cum omnibus redditibus, & prouentibus, atque ornamentis, & paramentis, & aliis in dicta Ecclesia S. Tiburtij ad exercendum ibidem cultum diuinum non necessariis transferretur, vtque malis prænarratis occurreretur, ac honestati & commoditati dictorum Canonicorum & aliarum personarum dicti Capituli consuleretur, nec non ipsa Parochialis Ecclesia, & oppidum præfatum magis co honestarentur, ac diuinus inibi cultus augeretur, & dicti Canonicum cum maiori fructu, honore & dignitate Deo famularentur in dicto oppido, vbi ipse Dux Bauariae ex quatuor Regiminibus totius sui status & dominij, tenet unum Regimen Ministrorum, Iudicium, & Consiliariorum, ipsumque oppidum habet populum frequentem, ac numerosum, & presbyterorum penuria laborat, pro parte dicti Guilhelmi Ducus nobis fuit humiliter supplicatum, quatenus in præmissis opportune prouidere de benignitate apostolica dignaremur. Nos igitur eundem Guilhelmum Ducem à quibusuis excommunicationis, suspensionis, & interdicti, aliisque Ecclesiasticis sententiis, censuris, & paenitentiis ab iure vel ab homine quavis occasione, vel causa latissimis, si quibus quomodolibet in nodatus existit, ad effectum præsentium duntaxat consequendū harum serie absoluentes, & absolutum fore censentes, huiusmodi supplicationibus inclinati, Tibi, vti si predicta vera esse repereris, Præposituram, Canoniciatus, & Præbendas, Decanatum, Cantoriam, & Scholastriam, aliasq; forsan dignitates & officia, ac mensam Capitularem, cum redditibus, prouentibus, ornamentis, paramentis & aliis præfatis in parochiale Ecclesiam prædictam, sine tamen ipsius parochialis jurium, ac pro tempore existentis Rectoris præiudicio, apostolica auctoritate, quacunque appellatione, seu reclamatione remota, transferas; & ne ex huiusmodi translatione dicta Ecclesia S. Tiburtij suo debito seruitio defraudetur, quod in ea Vicariam perpetuam cum assignatione congrua portionis fructuum erigas, Vicariumque perpetuum ad præsentationem dilectorum filiorum Canonicorum & Capituli præfatorum ibidem instituas, auctoritate apostolica tenore præsentium committimus, & mandamus. Dantes tibi plenam & liberam facultatem, & auctoritatem contradictores quoslibet & rebelles, & præmissis non parentes, persentias, censuras, & paenitentias ecclesiasticas, aliaque opportuna juris & facti remedias, appellatione postposita, compescendi, inuocato etiam ad hoc, si opus fuerit, auxilio brachij secularis. Non obstan. se. re. Bonifacij P.P. VIII. predecessoris nostri de una & Consilij generalis de duabus dietis, dummodo quis vigore præsentium ad judicium ultra tres diecas non trahatur, aliisq; constitutionibus & ordinationibus apostolicis, ac dicta Ecclesia Sancti Tiburtij juramento, confirmatione apostolica, vel quavis firmitate alia robورatis statutis & consuetudinibus, priuilegiis quoque indultis, & literis apostolicis in contrarium quomodolibet concessis; Quibus omnibus eorum tenores præsentibus pro expressis habentes, illis alias in suo labore permansuris hac vice duntaxat specialiter & expresse derogamus, contrariis quibuscumque. Aut si aliquibus communiter, vel diuini ab eadem sese sede indulsum, quod interdici, suspendi, vel excommunicari non possint per literas apostolicas non facientes plenam & expressam ac de verbo ad verbum de indulso huiusmodi mentionem. Dat, Rome apud Sanctum Petrum, sub annulo pectoris, Die XXV. Iunij. M.D.LXXX. Pontificatus nostri Anno Nono. Cas. Glorierius. Quo perlepto, & pereundem R^{mum}. D. Nuntium ad maiorem omnium intelligentiam fusius exposito, quæsiuit ex Canonicis præsentibus & audientibus, num in dictam translationem consentiant, & an aliquid in oppositum haberent nec ne, qui deliberandi causa digressum paulisper postulantes & obtinentes, in Sacrum, quod inibi prope Altare summum existit, secesserunt,

runt, ac post maturam consultationem & deliberationem inter se habitam, redeentes, R^m. Dn. Nuntio per Seniorem, suam obedientiam cum omni submissione aperuerunt, iterumque interrogati singuli in dictam translationem vnanimiter consenserunt, per verbum: *Placet, sese in omnibus S^mi. Dn. nostri voluntati, & sanctæ dispositioni subiectentes, ac petentes se quam humillime eius Boi. commendari & excusari de scandalis aliquorum, maxime prædecessorum, quæ iam sublata & emendata sint, quod se facturum R^m. Dn. Nuntius gratiose recepit.* Post hæc s^pedictus R^m. D. Nuntius dictum Collegium S. Tiburtij Martyris, ex loco Pfaffenmünster, cum omnibus juribus, priuilegiis, redditibus, prouentibus, & pertinentiis quibuscumq; nec nō ornamenti, & paramenti, & aliis in dicta Ecclesia S. Tiburtij ad exercendum ibidē cultum diuinum nō necessariis, in dictam Ecclesiam S. Iacobi maioris Apostoli ciuitatis Straubingenfis, iuxta literarum Apostolicarū tenorem, jure, via, modo, causa & forma, quibus, & prout melius, & efficacius potuit, & potest, ac fieri & esse possit, seruato ritu, qui in talibus de jure vel consuetudine requiri solet, transtulit, atq; huiusmodi translationē pronunciauit, In nomine Patris, & Filii, & Spiritus Sancti. Ne autē dicta Ecclesia Sancti Tiburtij debito cultu & honore priuaretur, Vicariam perpetuam in ea cum assignatione congrua portionis fructuū erexit, Vicariumq; perpetuum ad præsentationē Capituli prædicti ibidē instituit. Quibus ita expeditis sequutū est canticū: *Te Deum laudamus, &c. cum versiculis & Collectis de Sma Trinitate, Sanctis Tiburtio & Iacobo apostolo, & campanæ depulsatæ. Priusquā vero ab inuicem discederent, in huius actus conclusione R^m. D. Nuncius mandauit prædictis Dominis Canonicis, ut sequenti die, quæ erat Dominica Oculi omnes superpelliceis induiti cū processione, præeunte Cruce, Straubingā ad fores dictæ Ecclesiæ S. Iacobi maioris Apostoli comparerent, possessionē accepturi. Super quibus omnibus & singulis dicti tam R^m. D. Nuntius, quā Dn. Canonici me Notarium infra scriptū requisierunt, quatenus vnū vel plura, publicū, seu publica cōficerē Instrumentū & Instrumenta. Acta sunt hæc in loco, aⁿo, die, mense, indictione, ac Pontificatu supradictis. Præsentibus R^d. Sac. Theol. Doctoribus, Dominis Sebastiano Franz. Decano, Martino Dummio Canonico Collegiatæ Ecclesiæ Monachien, ad Diuā Virginē, Commissariis Ducalibus, & Mattheo Cromero presbytero, Hospitalis S. Catharine ad pontē Ratisbon. Ciuitatis Magistro, nec non Claris. I. V. Doctoribus, Dn. Wolfgango Lucio Cancellario, Alexandro Eürle Cōfiliario in Regimine Ducali Straubingen & Octavianu Schrenck Episcopatus Ratisbon. Cancellario, testib. ad hoc specialiter vocatis, rogatis, & requisitis. Die autē sequenti, quæ fuit Dominica Oculi, videlicet XXVI. mensis Febr. eorundē Anni, Indictionis, & Pontificatus, iuxta mandatum supra nominati R^m. Dn. Nuncij Apostolici &c. mane hora septima, supradicti Domini canonici supplices induiti processionaliter cū Cruce ad portā Ecclesiæ S. Iacobi Straubinge cōparuerunt, quos R^m. D. Nuntius Sacris Pontificalibus inductus, cum eiuidē Ecclesiæ Clericis processionaliter obuiā procedens suscepit, & præsente vsq; ad finē magna populi multitudine, in Ecclesiam introduxit, omnes ante summū Altare constituens, depulsatis interim campanis & organis. Ibi iterū prælectū est Breue apostolicū, ac decantato hymno: *Veni creator spiritus, &c. Cum versiculo: Emitte Spiritum, &c. & Collecta: Deus qui corda fidelium, &c. omnes Canonici interrogati in huiusmodi translationem rursus consenserunt, & priorem obedientiam, ac sententiam libenter confirmarunt, atque ita R^m. D. Nuntius translationis formulam iteravit, eam pronuncians, In nomine Patris, & Filii, & Spiritus Sancti, assignans etiā suiq; pro loco & gradu stallum in Choro. His statim subsequutum est canticū,**

Te

Te Deum laudamus, &c. adhibitis organis, cum collectis de Sanctiss. Trinitate, & Sanctis Iacobo maiore Apostolo ac Tiburtio martyre & circulari processione per Ecclesiam interius instituta, R^m. D. Nuncius solenne Missæ officium de Sanctissima Trinitate de SS. Iacob^o & Tiburtio prædictis, dictæ Collegiatae Ecclesiæ Patronis solenniter cantauit, & post Symbolum Apostolicum habita est per superius nominatum Canonicum Seniorem Concilium germanica ad populum, in qua iussu & mandato R^m. D. Nuntij huiusmodi Translationem promulgavit necessariis circumstantiis, rationibus, causis, & conditionibus ad longum explicatis, quarum occasione talis translatio instituta, & ad effectum adducta esset, & noui, siue potius translati Collegij, & Ecclesiæ Patronos Sanctos Iacobum maiorem Apostolum, ac Tiburtium martyrem edixit, ac post generalem Confessionem, quæ in fine concionis dici solet, R^m. D. Nuntius dedit populo benedictionem cum indulgentiis. Atque ita huic etiam actui impositus est finis, seruato in omnibus ordinario processu, pro ut de jure, vel consuetudine oportuit. Super quibus omnibus & singulis dicti, tam R^m. D. Nuntius, quam Domini Canonici, me Notarium infra scriptum requisierunt, quatenus unum vel plura, publicum seu publica conficerem Instrumentum & Instrumenta. Acta sunt hæc in supradicta Ecclesia Sancti Iacobi Ciuitatis Straubingen. Dominicæ Oculi, Anno, Mense, & Pontificatu, quibus supra, Præsentib. R^d. Sac. Theologiae Doctribus, Dominis Sebastiano Franz Decano, Martino Dummio Canonico Collegiatæ Ecclesiæ Monachien, ad Diuam virginem, Commissariis Ducalibus, & Mattheo Cromero Presbytero Hospitalis Sancte Catharina ad Pontem Ciuitatis Ratisponen, Magistro, nec non Claris V.I. Doctribus, Dominis Wolfgango Lucio Cancellario, Alexandro Eiurle Consiliario in Regimine Strubingen, & Octavianio Schrenckh. Episcopatus Ratisponen, Cancellario, testibus ad hoc specialiter vocatis, rogatis, & requisitis.

Et ego Caspar Kunavv: Vratislaiuen. diaxes, Sac. Apost. auctoritate Notarii pub. & prælibati R^m. D. Nuntij &c. Scriba juratus, quia superscriptis omnibus & singulis, Capitularium conuocationi, Sacri Missæ officij decantationi, solenni Campanarum depulsioni, Spiritus S. inuocationi, propositioni, adhortationi, literarum apostolicarum prælectioni, consensus Capitularium requisitioni, ac præbitioni, subiectioni, & purgationi, nec non supra scripti Collegij S. Tiburtij Martyris ex loco Pfaffenmünster ad Ecclesiam Parochialem Straubingensem. S. Iacobi maioris Apostoli, per R^m. D. Nuntium, hacq; in parte Executorem apostolicum factæ translationi, in dicta Ecclesia S. Tiburtij Martyris perpetua Vicarie erectioni, institutioni, expeditioni, ac denique Te Deum laudamus &c. decantationi. Die etiam sequenti Procesionali Capitularium ad portam Ecclesiæ Straubingen, ex R^m. D. Nuncij prædicti mandato comparitioni, susceptioni, introductioni, & tam Companarum, quam Organorum depulsioni, secundariae Brevis Apostolicis prælectioni, ac Veni Creator Spiritus &c. decantationi, nec non repetito in facta translationem consensui, translationis pronuntiationi, stallorum Canonicis ibidem assignacioni, Canticique Te Deum laudamus &c. & post Sacri Missæ officij per eundem R^m. D. Nuntium solenniter in Pontificalibus celebrati decantationi, germanicæ concioni, & dictæ translationis ad populum promulgationi, atque cum Indulgentiis benedictioni, totique huic actui, vna cum prænominatis Dominis Testibus, specialiter vocatus, rogatus, & requisitus præsens interfui, eaq; omnia siccieri vidi & audiui, ideo hoc præsens Instrumentum manu alterius fideliter descriptum subscripsi, Signumque meum Tabellionatus apposui consuetum, in fidem,

ac

ac robur omnium præmissorum, cum appensione sigillorum prædicti R^m. D^r.
Nuntij Apostolici, &c. ac Consistorij Episcopalis Ratisbonens.

Ego idem Caspar Kuna VV. Not. pub. qui supra,
Subscr. manu propria.

FR. Felicianus Dei & Apostolicæ sedis gratia Episcopus Scalen ad partes Germanie superioris S^m. Dn. nostri D. Gregorij diuina prouidentia Papæ XIII. dictæq; sedis Nuntius, cum potestate legati de latere, &c. & Administrator Episcopatus Ratisbon. &c. R^d. nobis in Christo dilectis, Præposio, Decano, & Vniuerso Capitulo Collegiatæ Ecclesiæ Straubingen Sanctorū Iacobi Maioris Apostoli, ac Tiburtij Martyris, Ratisbon. Diæcessis, salutem in Domino sempiternā. Quoniam circa translationē Collegij S. Tiburtij Martyris ex pago Pfaffenmünster Ratisbon. Diæcessis, & Dominij tēporalis Ser^m. Principis Dn. Guillelmi Comitis Palatini Rheni, & vtriusq; Bauariae Ducis, quæ à nobis prælibati S^m. Dn. nostri iussu & mandato ad petitionē prædicti Dn. Guillelmi Ducis, ybi causas translationis in literis Apostolicis explicatas veritate fulciri compereramus, in Parochialem Ecclesiam S. Iacobi maioris in propinquo oppido Straubingæ Diæcessis ac Dominij prædictorum existentem facta est, in publicis Instrumentis, quæ plura ad nostrā & Collegij prædicti requisitionem per Notariū ac Subsecretarium nostrum confecta sunt, volummodo rituū, ac cæremoniarū quæ duobus successiuis diebus in huiusmodi translatione exequenda interuenerunt, nec nō ipsius translationis, & datæ possessionis, ac perpetuæ Vicariæ erigendæ, idq; genus aliorū facta mentio est, prætermis s aliquibus, q; nō solum ad prædictā translationem melius intelligendā, sed etiā ad prædictam Ecclesiam S. Tiburtij in Pfaffenmünster vna cum parochiali propinqua S. Martini debite conseruandam, necessario explicanda videntur, idcirco nos hæc, quasi per quædā capita breuiter tradenda & exponenda præsentiu tenore duximus. Primum omnium itaque, cum iuxta mandata Apostolica, Præposituram, Canonicatus, & Præbendas, ac Decanatum, Cantoriam, & Scholastria, aliaq; officia, ac Capitulū vniuersum ex dicta Ecclesia S. Tiburtij, cum omnibus redditibus & prouentibus atque ornamentis & paramentis, & aliis ad exercendū ibi diuinum cultū non necessariis, nec non juribus, priuilegiis, & pertinentiis omnibus in prædictā parochialē Straubingen. S. Iacobi maioris transtulerimus, etiā onera tam fundationis & anniuersiorū, quam alia omnia simul esse translata intelligentur, ita vt Collegiū translatū singulis annis huiusmodi oneribus omnibus debito tēpore satisfacere teneatur, Secundo, Parochialis Ecclesiæ prædictæ S. Iacobi, ac pro tēpore existentis Rectoris jura quo ad Sacramentorum administrationem, & curā animarū integra & salua maneant: nisi quod cum dicta Parochia fuerit olim ex Templo S. Petri extra portas Ciuitatis in suburbio posito, in hoc S. Iacobi intra muros translata, non habita sufficienti ratione animarum extra ciuitatē sub dicta parochia cum magno numero existentiū, cum sepe contingat, maxime noctu, clausis ciuitatis portis, infantes baptizandos, & animam agentes, qui in suburbio & propinquo pago cōmorantur, salutis pericolo exponi, statuimus & volumus, vt utrumque templum prædictum habeat posthac suum proprium Rectorem ab eo, ad quem de jure spectat, Ordinario Episcopo Ratisbon. pro confirmatione præsentandum, cum necessariis sacellani, qui necessitate exigente sibi commissis de Sacramentis Ecclesiæ prouideri possint omni tempore, tam intra, quam extra ciuitatem. Qua ratione autem prouentus anni ad vtriusque honestam sustentationem diuidendi & assignandisint, peculiari ordinatione decernemus'. Tertio ne ex huiusmodi Trans-

latione Ecclesia S. Tiburtij in Pfaffenmunster suo debito seruitio defraudetur, in ea Vicariam perpetuam erexit, cuius Vicarius perpetui presentatio, ad Canonicos & Capitulum, confirmatio vero, post illius, quem nos jam instituimus, mortem, deinceps ad Ordinarium Episcopum Ratisbonens. semper pertineat. Quarto in Altari maiori S. Tiburtij sex Missæ in hebdomada à dicto Vicario per se, vel alium celebrentur, singulis diebus una, & dies septimus, qui intermittetur, sit profectus. Quinto Vicario perpetuo predicto deputetur dominus commoda cum annexo horto prope templum, ac centum floreni in moneta communis estimationis, sexaginta cruciferorum pro annua prouisione assignentur, partim in pecunia, & partim in valore. Sexto, ut Vicarius perpetuus predictus honestius se possit sustentare, & officio suo melius satisfacere, incorporetur, & vniatur etiam Vicarius perpetua beneficium simplex S. Andreae in dicta Ecclesia S. Tiburtij existens, cum omnibus bonis, redditibus, juribus, ac pertinentiis suis, ita tamen ut in dicto Altari S. Andreae tres Missæ hebdomadatim, videlicet Dominica, & feriis quarta ac sexta celebrentur, & ob id Vicarius Sacellatum habere teneatur, cui congruam portionem assignet, ac domum cum horto annexo, ad dictum beneficium spectantem. Septimo, Parochus Ecclesiae S. Martini, quæ in cæmiterio S. Tiburtij existit, teneatur in sua parochiali, quam remoueri nolumus, singulis diebus dominicis & festis, ac feriis sextis, iuxta vetustam dictæ Ecclesiae consuetudinem sacrum facere, ad cuius maiorem sustentationem, non solum bona, domus, agri, redditus, decimæ, jura, & pertinentiæ omnes dictæ parochiæ remaneant, sed etiam vniatur & incorporetur beneficium simplex B. Mariae in predicta Ecclesia S. Tiburtij existens, cum omnibus bonis, redditibus, juribus, ac pertinentiis suis, in cuius tamen Altari hebdomatim feriis secunda, tertia, & quinta celebretur, ob idque parochus cooperatorem alere teneatur, cui domum propriam dicti beneficij cum horto adiuncto, congruam prouisionem assignet, quod ut commodius fieri possit, addatur & beneficium simplex B. Mariae in Cæmiterio parochiæ Stainach, vel aliud S. Georgij in Castro Stainach, vel aliud super carnario ad animas ibidem, quæ omnia nunc vacant à multis annis; quilocus etiam non ultra quartale milliaris germanici à predicta Ecclesia in Pfaffenmunster distans ita tamen ut iuxta fundationem huiusmodi beneficij obligationibus satisfiat. Octavo omnes predicti tam Vicarius cum suo Sacellano, quam Parochus cum cooperatore teneantur in Ecclesia S. Tiburtij in vigiliis festorum, ac diebus Sabbathinis vesperas, & ipsis Dominicis & festis diebus, non modo Vesperas, sed etiam cæteras horas Canonicas, ac summum cantare officium. Nonno, ut omnia in mutua pace, concordia, ac tranquillitate fiant & agantur, suademus ut tam Vicaria quam Parochia predictæ vni persona committantur, ita tamen, ut sustentare tres presbyteros teneatur, Cooperatorem propter parochiale Ecclesiæ predictam, ac duos Sacellanos propter dicta beneficia. Quod si contigerit ex impedimento dictorum beneficiorum aliquod non posse coniungi, vel coniuncta non sufficere ad quatuor sacerdotum, ut præmisum est, sustentatione, maxime quo tempore annona cariorerit, quod Capitularium iudicio committimus, illorum conscientiam in hoconerantes, tunc Vicarius predictus ad minus duos alios Sacerdotes secum habere teneatur, & Capitulares interim prouideant, ut dictis beneficiis in Pfaffenmunster pro necessitate & exigentia satisfiat. Decimo, Prepositus predicti Collegij translati retineat ius, quod prius habebat, presentandi Ordinario Episcopo Ratisbonen. parochos Ecclesiæ dicti S. Martini in Pfaffenmunster, & B. Mariae in Stolwangen, & S. Laurentij in Veldkirchen. Et quia omnes redditus ac prouentus, tam
Prepo-

Præpositure & Decanatus, quam aliorum officiorum Capituli gremio vnta & incorporata sunt, nec non Præposito & Decano cuique duplicata præbenda est assignata ex corpore Capituli, ob id quadraginta floreni, qui ex Vicaria perpetua parochiæ in *Veldtkirchen* annuatim Præposito numerabantur, in posterum Capitulo cedant, & soluantur. Undecimo Præposito ac Decanus, ut etiam abeant fieri solebat, semper ab Ordinario Episcopo *Ratisboni*, confirmationem suam accipiant, cui etiam taxam ordinariam numerare teneantur. Duodecimo ex Ecclesia S. *Tiburtij* ornamenti ac paramenti non prius ad nouam Collegiatam Ecclesiæ *Straubingen*, transportentur, quam nostra accesserit dispositio, ut quæ in dicta Ecclesia S. *Tiburtij* necessaria videbuntur, ad cultus diuini usus relinquantur. Ex parochiali autem S. *Martini* de ornamenti & paramenti nihil plane amoueat. Tertiodecimo, Statuta omnia, quæ habebatis ante translationem, suspensa esse volumus, donec ea à nobis revisa, emendata, & ad Sacrorum Canonum, praesertim Concilij *Tridentini* & Synodi provincialis normam renovata, accommodata, ac reformata fuerint, additis aliis necessariis, quæ ad nouæ Collegiatæ Ecclesiæ conservationem & splendorem pertinere videbuntur, quibuscumq; in contrarium non obstantibus. In quorum omnium & singulorum fidem ac testimonium præmissorum, has patentes literas confici, & sigillorum tam nostri, quam Consistorij *Ratisbonen*, appensione communiri mandavimus. Datū *Ratisbona* in Aula Episcopali, Anno virginis partus M. D. LXXXI. die vero XXIX. mensis Martij. Pontificatus præfati Sni Dn. Papæ *Gregorij XIII.* Anno Nono.

Fr. *Felicianus Episcopus Scalen*, N. A. & Administrator Episcopatus *Ratisbonens* manu propria.

Ioannes Baptista Ning. ad Reg.
Ioannes Fenzonus Secr. de mto. &c.

Præpositorum Ecclesiæ Collegiatæ *Pfaffenmunstren*. in Boico cum vetustissimis comparanda nomina, & quibus vixerint annis, ut plurimum intercederunt; quæ tamen studio & industria R. di. adm. modum Dn *Matthiae Eberspergeri* SS. Theologiae D. moderni Decani Collegiatæ Ecclesiæ SS. *Iacobi* & *Tiburtij* *Straubingæ* ex antiquis monumentis erui potuerunt fideliter hic repræsentamus.

BERCHTOLDVS præfuit circ. an. Dn. 1267.

EBERHARDVS vixit circa an. 1269. in literis suis titulo usus: Nos *Eberhardus* De gratia Præpositus Monasteriensis.

CONRADVS an. 1289.

FRIDERICVS à *Schlösselberch* Canonicus *Ratisbonen*. Præpositus, vixi an. 1302.

IOANNES Cammerauer de *Haitstein*, an. 1335. usus tit. Nos *Ioannes à Cammerau*.

MICHAEL an. 1394.

VLRICVS *Käflin*, an. 1447.

VLRICVS *Arzinger Doct. Alberti Boio Duc. Consiliarius*, An. 1453.

IOANNES *Titzlau* Canonicus *Augustan*. & *Eichstadien*. Parochus *Straubingen*, & Administrator in *Pfaffenmunster*. an. 1479.

ALBERTVS *Sim Hof*, Decretorum Doctor Canonicus *Frisingen*. an. 1500.

AMBROSIUS *Schwarzhofer*, B. Mariae Virg. ad *Veterem Capellam*, & Monasterien. Præpos. an. 1509.

Metrop. Salisb. Tom. III.

k 2

BERN.

BERNHARDVS à Waldkirchen, Vtr. Iur. Doct. Canonicus & Custos Augustanus, an. 1515.

WOLFGANGVS à Seyboldorf in Schenkenauv, artium & Decretorum Doctor, Collegiatar, Ecclesiarum B. Mar. Virg. Monachij, & S. Tiburtij in Pfaffenmünster Præpositus, Canonicus August. & Ratisbonens. an. 1528.

VITVS Tuchsenhauser D. Consiliarius Bauaricus & plebanus Strubingen, an. 1551.

ERNESTVS Prandt, qui in literis suis se scriptit : Canonic. Berchtesgaden, ac prouisione Dei Præposit. Monasterien. an. 1567.

VRBANVS Winckelmayr, parochus Ecclesiæ S. Sixti superioris Parckstetten. Ob. 3. Octobr. anno 1575. ibid. sepultus.

ALBERTVS Hunger. SS. Theologiæ D. Procancellarius & Professor almæ Vniuersitatis Ingolstadtien, Canonicus Passauien. & Eichstadien, vir incomparabilis doctrinæ & vitæ integerrimæ.

PLVEMENTAL ORDINIS S. MARIAE
FRATRVM TEUTONICORVM.

DE prima institutione istorum ordinum, nempe S. Ioannis, Templariorum, ac S. Mariæ Teutonicorum, vide si libet, Volateranum, lib. Antrhopologiae 21. Ioann. Nauclerum in Chronica, lib. 2. Generat. 37. Münsterum & alios.

PLVEMENTAL & Aicha fuerunt olim, nempe Anno 1350, duæ distinæ domus ac commendaturæ ordinis Teutonici, quæ ab uno Magistro sunt gubernatae. Auentin, in suam translatione Annalium ponit : Ducem Ludouicum, primum huius nominis, hanc ædem Pluemental fundasse, sed in Latinis Annalibus nihil de hoc. At in libro traditionum, seu in Chronica foundationis Vnderstorfenis Monasterij scribitur, Ottонem Comitem de Witlspach, fundatorem Ensdorf & Vndensdorf, fundasse Monasterium Kuebach, & ædem illam in Aicha, De Kuebach aliter se res habet, quod fundatum est à Comitibus ab Ebersperg. De æde in Aicha & Pluemental nihil certi adhuc comperi. Nam diplomatum fundationum videndorum haec tenus facultatem non habui.

DESTRVC'TO post occisum Philippum, Romanorum Regem, Ottonis Witlspachij occisoris castro VVitlspach, Ludouicus Bauariæ Dux, patruelis suus, Templum ibidem Deiparae Virginis condidit, & sacris militibus tradidit, ex reliquis lapidibus Aicham deuenitis, ciuitas ibi cōdita, ac muro cincta est. Auentin, in Annalib. fol. 661.

RETRO altare Chori ibi in Plumental scriptus est rythmus Germanicus, numeris syllabarum non admodum quadrans.

Berchtolt Graf von Schiltberg ward ich genannt,

Der Deutsch Orden war mir in solcher Ehrwürdigkeit bekannt,

Dah ich Ihnen das Hauf mit etlichen zugehörigen thet geben,

Gott verleih mir vnd uns allen das ewig Leben. Amen.

NULLVM inuenio Berchtoldum Comitem, sed bene Berchtoldum Marschalcum de Schiltberg. Eratenim hic Berchtoldus, Marschalcus Ducis Bauarie Ludouici, patris Ludouici Imperatoris, Anno 1262. huius filij, Ulricus, Heinricus & Conradus; post quorum obitum lis suborta inter Ludouicum prædictum & fratrem eius Heinricum, Ducem inferioris Bauariæ, super feudis ipsorum, compromisso seu laudo decisa est, vt feudalia, sc̄ motis allodialibus, inter ipsos æqualiter diuidentur, A. Dom. 1286. Extant diplomata Monachij.

LVDO-